

BAAS TOMM


y su amigonan di Arubaanse

8 FEBR. INAUGURACION OFICIAL DI PAVILJON PA MUCHANAN DEN SAN PEDRO HOSPITAL

ORANJESTAD — Ayera nos a worde informa cu dia 8 di februari ta e fecha cu a worde elih pa habri e paviljon di muchanan den San Pedro Hospital oficialmente. Segun ta worde bisa Gezaghhebber F. J. C. Beunjon a worde invita na e ceremonianan di corta cinta, mientras cu Su Exc. Mgr. J. Holterman tambe lo ta presente na e ocasion aki pa e bendicionamentu solemn.

For di principio di januari e bunita, moderno y lujo departamento di e hospital aki, cu tin un capacidad di 50 cama ta den uso. E unico seccion di e paviljon cu actualmente no ta den uso ainda ta e „cushina” na unda nan ta prepara e lechi y papa pa e muchanan. No ta un cualkier cushina, aki den tur cos ta bai steril, y ta e cushina di mas caru cu un fabrika di Estados Unidos por a entrega! E arquitecto di e paviljon aki tabata senjor Vetter, kende en realidad a traha tur e plannan segun ideanan di e habil pader-rector Spekle. E perfecto cooperacion entre pader-rector, e arquitecto y e contratistanan

Ortiz y Gonzalez, a pone un sello evidente riba e paviljoen bunita aki.



Un dje patientnan chikitu den e paviljon nobo pa muchanan di San Pedro Hospital, cual dia 8 di februari proximo lo ser inaugura oficialmente.